

فيديو # ٩٠٧ من مقاطع حظر التجول تدبر البقرة حلقة ٤ . الآي

٨٣١-٥٣١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعون وتسعة من مقاطع حظر التجول والحلقة الأربعين من حلقات تدبر سورة البقرة. ارجو من حضراتكم يجيبوا المصاحف تدبرنا على مدار عدة ايام - 00:00:02

آيات ربنا سبحانه وتعالى ببيكده فيها ان دين الاسلام هو الدين الصحيح لانه لم يستثنى احد النصارى لم يؤمنوا بمحمد صلى الله عليه وسلم. واليهود لم يؤمنوا بمحمد ولا بعيسى صلى الله عليهما وسلم - 00:00:27

بينما دين الاسلام يشترط الایمان بابراهيم وموسى وعيسى ومحمد وبصحف ابراهيم وبصحف موسى وبالتوراة وبالانجيل وبالقرآن لا يستثنى احد. لا يستثنى كتابه وشفنا سيدنا يعقوب اللي هو اسرائيل نفسه على فراش الموت بيوصي اولاده بالاسلام وعدم الشرك بالله. يعني اسرائيل بيوصيبني اسرائيل - 00:00:49

بدين الاسلام. ومع ذلك اقرا معي الآية مية خمسة وتلاتين وشف ما فيش فايدة برضو اعوذ بالله السميع العليم من الشيطان الرجيم.

وقالوا كونوا هودا او نصارى تهتدوا وبالبالميلة ابراهيم حنيفا وما كان من المشركين - 00:01:18

بعد كل اللي فات ده برضو بيدعونا هم ان احنا المسلمين نترك دينا وندخل دينهم. طبعا اليهود بيقولوا كونوا هودا لتهتدوا. والنصارى بيقولوا كونوا نصارى لتهتدوا ولكن الآية ظاهرها ظاهرها - 00:01:40

ان اليهود والنصارى بيقولوا كونوا هودا او نصارى تهتدوا تفسير انه اليهود بيدعوا اليهودية فقط والنصارى بيدعوا للنصرانية فقط ده تفسير القدماء النهاردة انشأت ادارات في الجامعات يدرس فيها ما يروج له باسم الجوديو كريستيان برنس - 00:01:59

يعني المبادئ المسيحية اليهودية مع انهم دينين عكس بعض تماما زي ما قلنا قبل كده. لكن لما بقى فيه امر بيخص المسلمين بيتناسوا خلافاتهم وبيركزوا بس في اضلال المسلمين بقى فيه حاجة اسمها ايه ؟ جوديه وكريستيان دلوقتي طلعوا بها - 00:02:22

وقالوا كونوا هودا او نصارى تهتدوا. الهدایة يا اما في دي يا اما في دى وبالبالملة ابراهيم حنيفا. وما كان من المشركين. الرد بقى مش كل الاسلام لأن ممكن يقول قل بل الاسلام - 00:02:41

لأ قل بل ملة ابراهيم اقوى من انه يقول قل بل الاسلام. ليه؟ لأن ابراهيم هم بيسدوا نفسهم له فالامر من الله ان النبي يقول لهم لأن نصبح هودا ولا نصارى. بل ملة ابراهيم. يعني نفي ان ابراهيم يكون له - 00:03:00

اي علاقة باليهودية او النصرانية. عشان كده بل ملة ابراهيم اقوى من بني الاسلام في السياق ده ابراهيم بريء من هذه الاعتقادات الشركية تمام؟ طيب. قل بل ملة ابراهيم حنيفا وما كان من المشركين. حنيفا يعني مائلا منحرفا. لأن الناس كلها - 00:03:21

كانت على الكفر وكلها على الشرك. وبالتالي خروج ابراهيم عن القطيع والسباحة ضد التيار الانحراف عن انحراف هو تصحيح للمسار.

فكلمة حنيفا معناها منحرفا عن طريق الشرك يعني تصحيح للمسار المشي في الطريق المستقيم - 00:03:45

يبيقى ترك طريق الشرك وسلك طريق التوحيد. ترك طريق الضلال وسلك طريق الهدى. الجديد في ابراهيم او القوة بتاعة ابراهيم انه الوحيد اللي صار عكس التيار كله خرج من القطيع - 00:04:09

طيب اقرا بقى معي مية ستة وتلاتين قولوا امنا بالله وما انزل الى ابراهيم واسماعيل واسحاق العقوبة والاسباط وما اوتى موسى وعيسى وما اوتى النبيون من ربهم لا نفرق بين احد منهم - 00:04:32

له مسلمون اه من ربهم. يا جماعة هو هو فيه حاجة حصلت في في حاجة حصلت في البتاع ده انتم قفلتم ليه سبحان الله! طب انا

فتحت تاني خلاص البتاع - 00:04:57

اه واحد من المشركين المشككين المشهورين اللي انا رديت عليهم من حوالي تلات اربع سنين اللي فتحي في الخلاص انا انا

فتحت دلوقتي تاني اه واحد من المشركين المشككين المشهورين اللي انا رديت عليهم من حوالي تلات اربع سنين - 00:05:19

عملتوا له كده تلتasher فيديو في ليلة واحدة قال في احد فيديوهاته وكان بيتكلم مع ناس انه بالتأكيد لو فيه دين هو ملحد هيبقى

الاسلام الموضوع ده منتهي لانه هو في وجهة نزره ده الدين الوحيد اللي فيه منطق - 00:05:38

بعدها سمعته بيتكلم مع مجموعة تانية من الشباب بس الشباب المسلمين بقى وبيشككهم بيقول لهم طيب تعالوا نسلم بان فيه خالق.

ماشي يا سيدى فيه خالق شو هاي اللي بيحصل - 00:05:57

آآ قال لهم تعالوا نسلم ان فيه خالق. خلاص يا سيدى فيه خالق ولكن اه المنطق بيقول كده هو نفسه بيقول المنطق

بيقول لازم يكون فيه خالق. لكن - 00:06:17

آآ مش ممكن الكون بنزامه واحكامه هيبقى لوحده طب حلو قوي لحد كده قال لك بس لو امنا ان فيه خالق مش لازم اعبده بقى ليه

؟ قال لك طب اعبده ازاي ؟ ايش عرفني انا - 00:06:32

لازم اعبد باي طريقة طريقة المسلمين واجي يوم القيمة الباقي المسيحيين هم اللي صح ادخل النار ولا اعبده بطريقة المسيحيين

واجي يوم القيمة الباقي اليهود هم اللي صح ادخل النار. فمش من المنطقى ان انا اختار دين من الاديان والزم نفسى به - 00:06:50

وبيقى احتمال انه يكون صح ثلاثة وتلاتين في المية هو طبعا اسقط الاديان الوضعية اللي موجودة اللي هي اساسها عبادة الاصنام

والحيوانات والبقر قال لك ده كل ما لو ش معنى - 00:07:07

خلينا اقفل الواي فاي بتاع قال لك كل ده ما لو ش معنى نرد ازاي بقى احنا عليه دلوقتي ؟ هو طبعا قطع نص الطريق بانه عارف ان

لازم يكون فيه خالق - 00:07:25

ومش ممانع انه يعبد ربنا. لان العبادة في اساسها شكر. وهذا الخالق يستحق الشكر. لكن بيقول لك طب انا اعرف منين انهو اللي صح

دي الایة بقى بترد عليه قولوا امنا بالله. ما ينفعش يكون فيه اكتر من الله. خلاص دي معروفة ليه ؟ لان الله لازم يكون كلي القدرة.

يعنى على كل شيء قادر - 00:07:48

فلو فيه الهين ركز بقى معي لو فيه اكتر من الله بقى يا اما الالهة مقسمين الشغل عليهم لان ولا واحد فيهم قادر على كل شيء او واحد

منهم بس اللي قادر على كل شيء والباقيين مش قادرين على كل شيء فبيدي لكل واحد شوية شغل يعمله من نفسه يعني - 00:08:13

لو الاحتمال الاول ان هو ولا واحد من الالهة قادر على كل شيء قادر. بقى ما حدش فيهم ينفع الله اصلا لانه الله من شروطه انه يكون

كلي القدرة ولو واحد منهم على كل شيء قادر بقى الثاني ما لو ش لازمة - 00:08:42

يعنى ايه ما لو ش لازمة ؟ يعني ده الله لو اختفى من الوجود لن يتأثر الوجود وده ما ينفعش بقى الله. بقى لازم الله يكون واحد وعلى

كل شيء قادر والكل محتاجه. ومتصرف بالحكمة ومتصرف بالكمال. المسيحية - 00:09:01

ما فيش فيها الله واحد. مش هنضحك على بعض. فيها ثلاثة. وشرحنا السالوس قبل كده وقلنا اب وابن وروح قدس. وكل واحد منهم

شخص مختلف عن الاثنين مين الاثنين ما هماش اسماء حسنى لنفس الله. لآ - 00:09:21

المسيحية مش كده المسيحية انه دول تلات تلت كيانات مختلفة وده اللي اتفق عليه كل الطوائف المسيحية ان الاب غير الابن غير

الروح القدس والابن غير الاب وروح التلاتة غير بعضهم - 00:09:38

بس التلاتة في الاخر يقولوا لك واحد. واحد ازاي ما حدش فاهم بقى المسيحية مش ديانة توحيدية بقى الاسلام اليهودية

شفنا ان على مدار مائة اية مليانة اشي تحريف للتوراة. تصف الله بالنقض. عدم الحكمة. قتل انباء تكذيب انباء. تكفير انباء - 00:09:58

شيء مش معقول. الاسلام فقط هو الذي احترم كل الانبياء اللي فرض الاليمان بكل الانبياء الاسلام او ملة ابراهيم هي دي. قولوا امنا بالله. امنا بالله. واحد وما انزل اليها اللي هو القرآن. وما انزل الى ابراهيم واسماعيل واسحاق ويعقوب والاسباط. وما اوتى موسى وعيسى - 00:10:18

وما اوتى النبيون من ربهم لا نفرق بين احد منهم ونحن له مسلمون وما اوتى النبي هو كلنبي اوتى وحي. مش بالضرورة كتاب. لكن اوتى وحي لا نفرق بين احد منهم ونحن له مسلمون - 00:10:44

خلي بالك الاسلام هنا اقتلع الخلق السيء اللي منتشر بين الناس اللي هو عشان تعلي من قدر اللي عندك لازم قلل من قدر اللي عند الامة الاخرى ليه ما ينفعش تعلي من قدر الكل ليه؟ ليه اصلا نشعر بالمنافسة؟ اذا كلنا امة واحدة بتتبع ملة واحدة. ملة ابراهيم. كلنا امة - 00:11:03

الاسلام. عندنا الله واحد. يبقى دين واحد لكن على مر الزمان هناك عدة مبلغين بلغوا هذا الدين كانوا رسول كتير وانبياء كتير ونزل عليهم صحف كتير وكتب كتير بس كلها كتب نفس الدين وكلهم انبياء نفس الدين. فلماذا - 00:11:27 بالمنافسة. عندنا حلقة على فكرة آآ في اسلاموفوبيا اسمها ايها افضل المسيح ام محمد اتفرجوا عليها بقول لكم ما تستدرجوش لهذا المجال ابدا. لا تدخلوا في هذا المجال مع احد - 00:11:49

ليه ما نحبهمش كلهم؟ ليه ما نؤمنش بهم كلهم يبقى وما انزل الى ابراهيم واسماعيل واسحاق ويعقوب والاسباط وما اوتى موسى وعيسى وما اوتى النبيون من ربهم لا نفرق بين احد منهم ونحن له مسلمون - 00:12:08 احنا مؤمنين بهم كلهم. انهم في تبليغ الدين كانوا معصومين في تبليغ الدين مش في الحياة العادلة. في الحياة العادلة ممكن يكون عندهم بعض الاطياف في امور تخص الاولويات اختيار الاولويات بتاع لكن في تبليغ الدين - 00:12:29

كانوا معصومين اقرأ بقى معي مية سبعة وتلاتهن ولا حز وانا باقرها الضمائر مين بيكلم مين عن مين ركز معي في مية سبعة وتلاتهن فان امنوا بممثل ما امنت به فقد اهتدوا. وان تولوا فانما هم في شقاق - 00:12:44

فسيكفيكم الله وهو السميع العليم بس يكفيكم يعني ربنا بيكلم سيدنا محمد عليه الصلاة والسلام مش هو بيكلم فرد واحد وقلنا لما ربنا يكون بيكلم مخاطب مفرد يبقى بيكلم سيدنا محمد - 00:13:08

فكنت اتوقع في الاية دي اللي كانت ماشية من الاول بصيغة الجمع ان ربنا يقول فسيكفيك فسيكفيكم الله وتبقى جمع برضو لكن لا الف سيفيكم الله. ليه شوف اول الاية - 00:13:27

بيقول ايه؟ فان امنوا بممثل ما امنت كل ده ماشي جمع اهو. ربنا بيتكلم جمع من الناس فان امنوا اللي هم اليهود بممثل ما امنتكم انت يا مؤمنين يا اللي امنتكم بمحمد - 00:13:45

هنا هو بيكلم النبي مع المؤمنين كمان وهو واحد منهم. ركز معي بقى. مثال مسلا انا دلوقتي اعتبرني ناظر مدرسة بكلم مدرس طالع مشرف في رحلة معه مجموعة من الطالب الشاطرين - 00:14:00

فبحزره ان المنطقة اللي رايحة فيها مجرمين فبقول له وخليل بالك انا بكلم المدرس فقط. فبقول له ايه لو الناس اللي في المنطقة دي تركوكم ما اعتدوش عليكم مش تركوك وما اعتدوش عليك لأننا باكلمه هو بس - 00:14:20

بصيغة الجمع لاني باجمعه مع الطالب بتوعه فانا بتكلم عنهم كلهم. كامة كجماعة واحدة وده شرف لنا كمؤمنين. ان ربنا سبحانه وتعالى يكلم الرسول عليه الصلاة والسلام على ان واحد مننا - 00:14:41

فاهمين اقرأ معي كده في ضوء الشرح بتاعي وركز في الضمائر دي فان امنوا اللي هم اليهود بتوع المدينة في وقت نزول الايات بممثل ما امنتكم به. انت يا محمد ومن اسلم معك. الصحابة - 00:15:01

فقد اهتدوا اللي هم يهود المدينة لو امنوا زيكم انت والصحابة بالقرآن وبنبتك يبقو كده وصلوا للهداية الحقيقة. مش الضلال اللي كانوا بيسموه هداية يعني ايه مش هم في الاية مية خمسة وتلاتهن قالوا - 00:15:23

آآ وقالوا كونوا هودا او نصاري تهتدوا مش هم قالوا كونوا هودا او نصاري تهتدوا خلاص يبقى فان امنوا مثل ما امنتكم به في الاية

مية سبعة وتللين يعني لو تركوا اليهودية والنصرانية يبقى ربنا هداهم - 00:15:42

فقد اهتدوا يعني اللي فات ده كان في مفهومهم هم هو ده الهدى لكن ده مش الهدى وان تولوا كمل الاية فانما هم في شقاق يعني يهود المدينة لو تولوا لو اعرضوا ورفضوا هذه الرسالة ورفضوا القرآن يبقى خلي بالك هم كده هياخدوا ضدك طريقة - 00:16:00
الشقاق من الشق يعني العداء سورة البقرة بقى خلي بالك بتنزل على النبي امتي ؟ هي اول سورة نزلت في المدينة ولسه المسلمين واصلين من مكة ضعاف. وعدهم قليل ومش لاقين يأكلوا وحالتهم على الارض. يبقى يوصلهم خبر - 00:16:24

ان يهود المدينة اللي عدهم كبير مش صغير واغنيا ومحكمين في السوق يعني متحكمين في الاقتصاد ولهم حلفاء في قبائل العرب وعندهم حصون وعندهم اسلحة. دول هيبيقوا اعداكم ادي يعني خبر بيجي لي اول ما بوصل من من مكة - 00:16:46
ده كلام ما يطمنش بصراحة كلام يخوف. كمل الاية فسيكفيكم الله. ما تخافش ابدا ربنا هيكيفيك يا محمد ربنا هيحميك يا محمد انت واللي معك لكن هنا كلامه هو لوحده عشان اللي عايز ان ربنا يكفيه يبقى معه - 00:17:05

ما يتخلاش عنه بس انت خليك عارف انهم مش هيؤمنوا اللي مش هيؤمن منهن هياخد طريق الشقاق. هياخد طريق العداء. فانت بس ما تخافش. مش باقول لك الكلام ده عشان تخاف ولكن باقوله لك - 00:17:31

عشان تبقى حذر لكن فسيكفيكم الله وهو السميع العليم. سميع بمؤامراتهم وعليم بنياتهم وباعمالهم اقرا معي مية تمانية وتللين وركز بقى صبغة الله ومن احسن من الله صبغة. ونحن له عابدون - 00:17:45

ايه هي الصبغة؟ الصبغة بنسماها الصبغة الصبغ انك تصبغ يعني بتغير لون القماش بلون اخر مع التشرب للثبت. يعني انت مش بتلون آآ او بتطللي طلاء سطحي لو سطحي واللون يعني لو لو انت لونت قماش لكنه - 00:18:12

مش صبغ مش عملية صباغة مش هيثبت اللون وبالتالي لونها يتغير وبالتالي لما تغسله هيبيهت لكن الصباغة تغير اللون من الداخل والخارج. اللون بيتجلى داخل النسيج بتاع القماش طيب ايه هي صبغة الله دي - 00:18:39

ارجع لورا هتجد الاية مية خمسة وتللين بتقول وقالوا كونوا هودا او نصاري تهتدوا. قل بل ملة ابراهيم حنيفا وما كان من المشركين بكين فلما ربنا يقول صبغة الله يقصد بها ملة ابراهيم. هي دي اللي ذكرت قبلها - 00:19:03

واتشرحت بالتفصيل اللي هي الايمان بالله وبالرسل كلهم وبالكتب كلها لكن ملة ابراهيم هي دي الصبغة والصبغة دي اللي ربنا نفسه بيصبح بها صبغة الله ومن احسن من الله صبغة - 00:19:27

يبقى ملة ابراهيم هي الصبغة وتفصيلها في ستة وتللين زي ما قلنا الايمان بالله والكتب والرسل هذا الدين او هذه الملة بتتصبغ الانسان بس هي اصلا فين هي ايمان والايام فين؟ القلب الايمان محله القلب - 00:19:44

لنا عقيدة والايام في القلب فالصبغة بتتصبغ الانسان من الداخل وتطلع للخارج مش من الخارج وتدخل على الداخل لأن من الداخل تطلع على الخارج وبالتالي هذا الايمان هينعكس في كل حاجة في حياتك. هينعكس على كل حاجة في حياتك - 00:20:07

هينعكس على طريقتك في ارتداء الملابس. على طريقتك في الكلام على طريقتك في المشي. على طريقتك في كل حاجة. طريقتك في اكل مظهرك هيبي اكتر تواضعوا هتهتم انك تزهر آآ ظهر - 00:20:26

يعني تزهر بمظهر نظيف ولن تهتم بالمظاهر اللي قبل كده كنت بتهم بها مظاهر الغنى مظاهر مش هتهتم بهذه الاشياء. وبالتالي الصبغة دي كل ما صبفتك من الداخل وطلعت على الخارج بدأت هي تزهر على مظهرك الخارجي - 00:20:46

مش هتقاطع الناس وهي بتتكلم بعد كده تبقى متواضع مش هتكلم عن نفسك كتير وتقعد تتعجب وتفاخر زي زمان. خلاص الصبغة بتتصبغ هتمشي بتواضع مش زي الاول المهم ان التغير جاي من جوة لبرة مش العكس. ليه بقى - 00:21:08

بنشوف ناس اول ما بتبقى يعني بتتدفين بتدين سطحي اول حاجة بتعملها تطلق اللحية تليس ثوب آآ مش عارف شكله عامل ازاي ويتعلم بقى يربط العمامة بالوصف بالزبطة اللي وصلنا عن عمامة رسول الله. كل ده كوييس جدا - 00:21:27

ويحط السواك هنا كده زي القلم كده كوييس لكن المصيبة بتحصل لما التغير بقى في المزهر الخارجي فقط ولسه الداخل ما اتغيرش. القلب ما اتغيرش. فتلاقي واحدة محجبة بس آآ بتغتاب كتير - 00:21:47

واحد ملتحي بس آأنصاب. الله ليه؟ لأن التغير تغير خارجي مش متغلغل في نسيج الانسان. صبغة الله ومن احسن من الله صبغة ما فيش صبغة احسن من صبغة الله - 00:22:03

لأن هي اللي هتطورك للحسن لأنها جاية من جوة و بتتفح على برة بتزهربعد كده فالطبيعي ان انت تتغير في داخلك وبعد كده مظاهرك تبدأ تتغير والناس تلاهز عليك. مش العكس مش الظاهر يبقى الاول وجوة خربانة - 00:22:20

لسه ما ينفعش قلنا طيب ونحن له عابدون قلنا فرق كبير بين العابد والعبد بيجبر على الطاعة. بالكرياج بيطيع سيد العابد بيطيع بحب بيطيع وهو فرحان انه بيطيع وبيظهر حبه لله - 00:22:39

كل الناس عبيد لله في الاشياء اللي ما لهمش اختيار فيها ما حدش يختار ابوه او امه. الحاجات دي احنا عبيد لله فيها مجبرين عليها ومش هنتحاسب عليها - 00:23:05

لكن احنا عباد لله فيما نحن مخربين فيه لو قطعنا اولنا واجتنبنا النواهي اللي نهانا عنها عنها يبقى الحاجات دي اللي هي الحاجات اللي حرام علينا. يبقى احنا كده بنتعبد له. او بنتعبد له - 00:23:19

دي عبادة مش عبودية. ليه؟ لأننا مخربين بابدنا نطيع او نعصي فطالما اني في ايدي اني اطيع او اعصي يبقى لما اطيع انا بتعبد عبادة وليس عبودية لاني قبل بحب - 00:23:40

خليل بالك يبقى احنا دي اخر اية عندنا فركزوا عشان نفهم بس دور الصبغة ايه. انا مش هاخد اية تانية معك بس ارجوكم ركزوا قلنا العابد بيعبد ربنا بانه يطيع الاوامر - 00:23:59

ويجتنب النواهي بحب هي ايه الاوامر والنواهي دول ؟ ركز معي الاوامر هي حاجات. الانسان بيرى ان راحته انه ما يعملهاش. بيعملها عشان امر بها بس يعني ربنا امر بالصيام - 00:24:13

بس الانسان بيرى ان راحته في عدم الصيام فهناك لهم ليه؟ لأننا امرنا بالصيام. فالاساس في الاوامر انها اشياء احنا مش بنقبل عليها من نفسنا والنهاي النواهي بتبقى حاجات الانسان بيرى راحته في انه يعملها - 00:24:32

ربنا نهى عن شرب الخمر مسلا. فالانسان بيرى راحته في انه يشرب الخمر. ليه؟ عشان هيشعر انه مبسوط. دين ربنا بقى لما يبقى الصبغة تصبغك يعني بيتفاغل في نسيج عقلك وقلبك وجسمك - 00:24:51

هتبقى عارف ان راحتك الحقيقة بانك ما تشرب الخمر عقلك وقلبك وجسدك هيرفضوها. مش بس عشان دي نواهي ربنا عشان اصبح هواك تبعا لما يريده سيدك فهتفضل انك ترضي الله - 00:25:08

لانك بنتعبد بالطاعة يعني بتعطى بحب مش مكره فلما تطيع بحب هيبيقى ترك الخمر سهل بالنسبة لك الاوامر هيبيقى عقلك وقلبك وجسدك مقبلين على الصيام لانك شفت ان الراحة الحقيقة في الصيام مش العكس - 00:25:34

لان بدأت ت Shawf الحقيقة اديك مسال لما بتروح تشتري هدية لانسان الهدية عبارة عن ايه ؟ تضحيه بالمال بتدفع خمسمية جنيهه بتدفع الف جنيهه وبتشتري هدية وبتدليها لك. فانت ضحيت بمال - 00:25:58

لو انت بتتحب الشخص ده هتضحي بالمال وانت سعيد جدا. لأن تفكيرك كله في ارضاء هذا الشخص اللي انت بتتحبه لكن لو حبه مش كبير في قلبك تبقى بتدفع تمن الهدية وانت متضايق - 00:26:20

والموضوع تقيل على قلبك ويمكن تطيش وما تجيبيش الهدية ايه اللي يخلي واحدة ارتدت الحجاب واحت القرار ده بنفسها واقبالت عليه وكانت بتتحب حجابها جدا ثم تتغير وتبدأ تبقى مش طايقة الحجاب - 00:26:37

وعاوزة تخلعه فكر معن الاول هي كانت بتضحي وفرحانة عشان بتعمل حاجة بترضي بها ربنا فاتحجبت بحب زي اللي بيدفع الف جنيهه في هدية وهو فرحان لأنه بيرحب اللي هيديها له - 00:26:59

ويدور على حاجة اغلى كمان لو ممكن وسبب الحب ده هو ان العقل والقلب والجسد تشربوا هزا الحب فشافوا الراحة الحقيقة وشافوا الحكمة وحتى لو مش شايفين الحكمة مصدقين ان فيه حكمة - 00:27:20

واصبحوا مقبلين بحب على اوامر ربنا لكن لما حب ربنا يضعف في قلب الانسان حب ربنا ضعف في قلبها خلاص بقت مش قادرة

تضحي عشان ربنا لأن الصبغة مش موجودة. وبالتالي لا العقل ولا القلب ولا الجسد. شاييفين راحة في الحجاب - 00:27:39

فهمنا بقى دور الصبغة الصبغة هي اللي بتخليك تعبد ربنا بحب وتقبل على الطاعة في الأوامر. وتنتهي عن النواهي اللي نهاك عنها بحب فتجد الطاعة سهلة الحجاب كان سهل لما كانت الصبغة موجودة صبغة العقل والقلب والاليه والجسد. كان الحجاب سهل. مش شاييفة فيه مشكلة. بالعكس بتحبه جدا - 00:28:01

لكن بقى صعب امتنى ؟ لما الحب قلب وبالتالي اصبح الطاعة صعبة ولسماع الكلام والنواهي صعبة صبغة الله ومن احسن من الله صبغة ونحن له عابدون اللهم انا نسألك حبك وحب من يحبك وحب كل عمل يقربنا الى حبك. اللهم ما رزقنا ما نحب فاجعله - 00:28:30

وتأ لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهالينا واموالنا ومن الماء البارد على الظمة. اللهم حببنا اليك والى ملائكتك وانبيائك ورسلك. عبادك - 00:29:02

كالصالحين واجعلنا من يحبك ويحب ملائكتك وانبيائك ورسلك. وعبادك الصالحين. اللهم احيي قلوبنا بحبك واجعلنا لك كما تحب اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا - 00:29:22

قل له في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنبينا. اسأل الله العلي العظيم ان يجعل هذا التدبر في ميزان حسناتي - 00:29:48

وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم - 00:30:08

واحفظنا وياهم من شرورهم ونجعلك اللهم في نحورهم فانت الوكيل ولا حول ولا قوة الا بك. اللهم بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين. وكن مع اخواننا في تركستان الشرقية وفي - 00:30:30

وفي كشمير وفي الهند وفي سريلانكا. وانصر كل من نصرهم واخذل كل من خذلهم. وطهر المسجد الاقصى من الدنس فان انهم لا يعجزونك اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من - 00:30:53

علمائنا مريضا به او حاملا له فالبسه ثوب الصحة والعافية عاجلا غير اجل. ومن لم يصب به فقهه شر وابعده عنه ولا تسلطه الا على اعدائك واعداء دينك واعداء اولائك - 00:31:16

الله انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعة وتوحدت على دعوتك وتعاهدت على نصرة شريعتك. فوثق اللهم رابطتها. وادم ودها واهدها سبلها واملأها بنورك الذي لا يخبو. واشرح صدورها بفيض الایمان بك وجميل التوكل عليك. واحبها يا - 00:31:35

يا ربنا بمعرفتك وامتها يا مولانا على الشهادة في سبilk انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في في هذا الموعد ان كنا من اهل الدنيا. انا اسف مش هقول الموعد. قبل الموعد ده بساعتين بازن الله. ان شاء الله بكرة وبعد هنبقى في نفس الموعد الطبيعي بازن الله - 00:32:05

وربنا يسهل ما يحصلش حاجة - 00:32:32